

Sanhgyangh: Mehmbwk Dungcuz "Siuq" Lohfouq

三江：侗乡绣娘“绣”出致富路



▲ 8 nyied 7 hauh, youq Dungzloz Yangh Mbanjbingzhih, saefouh caeuq lwghag sam daih vunz nyaengq dajsiuq.



▲ Boux cienziep dajsiuq Dungcuz Cinz daxbuz gaenq ndaej 86 bi, de cingq son vunz banlaeng hag dajsiuq.

Youq Sanhgyangh Dungcuz Swciyen Dungzloz Yangh Mbanjbingzhih, ranz Veiz Cingvah youq dangdieg dwg aen "ranz dajsiuq okmingz" ndeu, daxbuz gvande caeuq yabuz mehsimj de cungj dwg boux canghdajsiuq, lai bi daeuj, gyoengqde daiqlingx daengx mbanj mehmbwk dajsiuq, sawj daengx mbanj mehmbwk baengh dajsiuq byaij hwnj diuz loh baenzfouq. Vunz Dungcuz daihdaih bousai guhnaz mehmbwk daemjbaengz, dinfanz dajsiuq ban ciep ban, seizneix, daengx yienh miz 1000 lai boux mehmbwk dajsiuq, siuq gij doxgaiq haenx ndaej gai daengz guekrog bae. 2009 nienz, Dungcuz dajsiuq ndaej lied haeuj swcigih "feihvuzciz vwnzva yizcanj" baujhoh hanghmoeg.

(Liengz Gwzconh)

Lingzconh: Hagseng Gyajgeiz Angq Hag Sij Veh

灵川：学生暑期书画乐



Vihliux hawj cungh siujyoz hagseng youq ndaw gyajgeiz gvaq ndaej cungsaed miz eiqsei, mboengqgonq, Lingzconh Yen Danzya Cin Ginhsanh Swveh Ingjsiengq Hezvei youq dangdieg hai ban beizyin, mienxngaenz son hagseng sij suhfaz veh veh. Hai ban geiz daih'it, couh miz 60 lai boux hagseng daeuj hagsib. Aendoz dwg lauxsae son hagseng hag veh veh.

(Lij Aiginz)

Lungzswng: Bineix Lwgmanh Youh Fungsou

龙胜：又是辣椒丰收年

Mboengqneix, cingq dwg lwgmanh ndaej sou seizciet. Lungzswng Gak Cuz Swciyen bineix ndaem lwgmanh cei q lai, lwgmanh youh ndaej fungsou. 8 nyied 10 hauh, dangdieg ginzcung dawz lwgmanh baenzcug haenx doxcomz hwnjdaej dak, lwgmanh hoengzfwdfwd caeuq nazmbaeklae heuyauyau haenx doxingj doxlwenq, gizgiz cungj dwg aen gingj fungsou gyaundeideu. Aendoz dwg boux nungzminz Lungzciz Cin Mbanjmajhaij nyaengq dak lwgmanh.

(Siz Nungzbingh)



▲ Gingi Denhhuz lai daengngoenz bankaemh.

Denhngoiz: Lungzdanh Denhhuz Funghgingj Gyaundeidei Maez Bouxyouz

天峨：龙滩天湖景美游人醉

Gaenh geij bi daeuj, Denhngoiz Yen baengh Lungzdanh Suijdenca gensez nem dieg suiugu swngdhaidaeaksaek, roengzrengz dajcaux aen lijyouz ginggih Lungzdanh Denhhuz, dawz de comz gwnzraemx gvanhgvangh, diuq bya guh'angq, nungzgyahloz guh ndangndeuj, cugbough daezsang lijyouz binjbaiz, doidoengh daengx yienh lijyouz saehnieb mboujduenh fazcanj. Bineix buenq bi gwnz, Lungzdanh Denhhuz ginggih yinx 5 fanh lai vunz daeuj youz, saedyienh lijyouz souhaej 400 lai fanh maenz.

(Yaz Hanzij Cinz Langj)



▲ Dieg gingj gyaundeidei Lungzdanh Denhhuz.